

Tswana - Ditsholofetso Dikwalo - Promises Scriptures

Genesi 20:6 Modimo wa mo araba mo torong wa re: “Le nna ke itse, fa o dirile jalo ka bosenamolato jwa pelo ya gago. Nna ka nosi ke go thibetse gore o se ka wa nteofela; ke ka moo ke sa go leseletsang go mo ama.

Ekesodu 35:21,26 Mme ba boa, mongwe le mongwe yo pelo ya gagwe e ratang, mongwe le mongwe yo mowa wa gagwe o utlwisang, ba tlisa kabelo ya Morena ya go aga Tempelana ya Boipontsho le ya tirelo yotlhe ya yona le ya diaparo tse di boitshepo. **26** Basadi botlhe ba ba neng ba itse, ba bile ba rata ba otlha boboa jwa dipodi.

Numeri 10:35 Mme e ne ya re Letlole le tloga, Moše a bue a re: “Nanoga, Morena gore baba ba gago ba phatlalale, le ba ba go tlhoileng ba tshabe fa pele ga gago.”

Doiteronomio 2:25 Kajeno ke tla simolola go baya letshogo la go go tshoga le poifo ya go go boifa mo merafeng fa tlase ga letsatsi gore mogang e utlwelang tumedi ya gago e tetesele e tlalelwe ka ntlha ya gago.’

Doiteronomio 9:3 Itse he kajeno gore ke Morena, Modimo wa gago, yo o tla tshelang, a go etelela pele e le molelo o o jang; ke ene yo o tla ba nyeletsang, a ba kokobetsa fa pele ga gago gore o tle o ba leleke, o ba nyeletse ka pele jaaka Morena a go solofeditse.

Jošua 2:9 a raya banna bao a re: “Ke a itse gore Morena o lo neile lefatshe le, le gore therego e re wetse ka lona le jaaka baagi botlhe ba lefatshe le ba nyemile moko, ba lo boifa.

1 Samuele 17:48,50 Jaanong ya re Mofelesita a kgweloga go kgatlhantsha Dafita, Dafita a itlhaganela, a tabogela kwa felong ga tlihabano go kgatlhantsha Mofelesita. **50** Dafita a fenywa Mofelesita jalo ka seragamajwe le ka letlapana; a itaya Mofelesita, a mmolaya le fa go ne go se na tšhaka mo seatleng sa gagwe.

Esetere 8:17 Le mo lefatsheng lengwe le lengwe le motseng mongwe le mongwe kwa lefoko la kgosi le molao wa yona di fitlhang teng ga nna boitumelo le boipelo mo Bajuteng le moletlo wa go nwa le letsatsi la kgatlhego. Mme ba bantsi ba merafe ya lefatshe ba iphetola Bajuta; gonne go tshoga Bajuta go ne go ba wetse.

Jobe 29:14 Ka apara tshiamo; tiro tse di siameng tsa me tsa nkapesa jaaka kobo le serwalo.

Diane Salema 13:11,22 Leruo le le bonwang ka boithamako le tla ngotlega, mme yo o le kgobokanyang ka tiro ya diatla o tla le ntsifatsa. **22** Yo o molemo o tlogelela bana ba bana boswa, mme dithoto tsa moleofi di bolokelwa mosiami.

Diane Salema 22:22,23 Se thukhuthe yo mmotlana, ka a le mmotlana; le gona se gatelele mmogisegi mo lekgotleng. **23** Gonne Morena o tla ba emela mo tshekong, mme bathukhuthi ba bone o tla ba thukhutha bophelo.

Jesaya 35:8 Go tla nna mmila o mogolo teng le tsela e e bidiwang tsela e e boitshepo. Ga e na go gatwa ke ope yo o kgotlelegileng. Ke ya bone ba ba tsamayang mo go yona; mme le fa e le masilo, ga a nke a timela.

Jesaya 43:2 Fa o tshela metsi, ke na nao; le dinoka, ga di na go go tsaya. Fa o ralala molelo, ga o nke o šwa; kgabo ga e nke e go fisa.

Jesaya 49:25 Ee, Morena o bua jaana a re: "Senatla le sona se tla amogiwa batshwarwi; thopo ya morena yo o peloethata le yona e tla falola. Ke nna yo ke tla lwang le yo o lwang nao; ke nna yo ke pholosang bana ba gago.

Jesaya 54:17 Sebolai sengwe le sengwe se se thulwang gore se tlihabane nao, ga se nke se kgona sepe. Loleme longwe le longwe lo lo go tsogelang mo tshekong o tla lo fenya kganetsanyong. Ke jona boswa jwa batlhanka ba Morena le tshiamelo ya bone e e tswang mo go nna." Morena o buile jalo.

Jesaya 59:17,19 Mme a apara tshiamo e le phemo, a rwala kuane ya pholoso mo tlhogong; a apara diaparo tsa pusoloso e le diaparo, a ikapesa ka lefufa jaaka kobo. 19 Mme ba tla boifa leina la Morena kwa bophirimatsatsi le kgalalelo ya gagwe kwa botlhabatsatsi; gonne o tla tla jaaka noka e e phašametsegang e phefo ya Morena e e kgweetsang.

Jesaya 61:10 Ke itumela ka pelo yotlhe mo Moreneng! A mowa wa me o dudueletse Modimo wa me! Gonne o nkapesitse diaparo tsa pholoso, a nkhumetsa ka kobo ya tshiamo jaaka monyadi a rwala mokgabo wa tlhogo wa moperesiti, le jaaka monyalwa a ikgabisa ka mekgabiso ya gagwe.

Hesekiele 22:30 Ke batlile monna mo go bone yo o ka agang lobota le go emela lefatshe mo phatlheng ya lobota fa pele ga me gore ke se ka ka le senya, ka mo tlhoka.

Hesekiele 45:8 Ke yona kabelo ya kgosi mo go Iseraele. Dikgosi tsa me ga di nke di tlhola di gatelela morafe wa me, mme di tla naya Baiseraele lefatshe ka fa ditsong tsa bone.'

Daniele 4:16 A pelo ya gagwe ya setho e fetoge, mme a fiwe pelo ya sephologolo, a ba a fetwe ke dipaka tse supa.

Daniele 7:4 Sa ntlha sa bo se tshwana le tau, se na le diphuka tsa ntsu. Ka leba ka ba ka bona diphuka tsa sona di kumolwa, sa ba sa tsholediswa mo fatsheng, sa emisiwa ka dinao jaaka motho, sa newa pelo ya motho.

Sagaria 4:6 Ke fa a araba, a nthaya a re: "Lefoko le ke la Morena le le rayang Serubabele le re: 'Ga se ka bonatla le e seng ka thata, mme ke ka Mowa wa me,' go bua Morena wa masomosomo.

Matheo 24:22 Mme fa malatsi ao a ka bo a sa khutshwafadiwa, go ka bo go sa pholosiwe motho ope; mme malatsi ao a tla khutshwafadiwa ka ntlha ya batlhaolwi.

Matheo 26:41 Disang lo rapele gore lo se tsene mo thaelong; mowa ona o tlhaga, mme nama e bokoa."

Mareko 10:48-52 Ba bantsi ba mo kgalemela ba re, a didimale; mme ene a goa bogolo bogolo a re: "Morwa Dafita, nkutiwele botlhoko!" 49 Ke fa Jesu a ema a re: "Mmitseng!" Ba bitsa sefofu, ba se raya ba re: "Namatshega o nanoge; o a go bitsa." 50 Foo a latlha kobo ya gagwe, a supuga, a tla go Jesu. 51 Jesu a tswa molomo, a mmotsa a re: "O rata ka go direla eng?" Sefofu sa mo araba sa re: "Rabuni, dira gore ke boe ke bone." 52 Jesu a mo raya a re: "Tsamaya;

tumelo ya gago e go fodisitse." Ka bonako a boa a bona, a ba a mo sala morago mo tseleng. (Matheo 20:30-34)

Mareko 16:20 Mme bone ba tswa, ba rera mo dintlheng tsotlhe, Morena a ntse a dira nabo, a tlhomamisa Lefoko ka ditshupo tse di le latelang.

Luka 14:23 Morena a raya motlhanka a re: 'Tswela kwa ditseleng le dikgorong, mme o ba kgole go tsena gore ntlo ya me e dale.

Luka 21:15 gonne nna ke tla lo naya molomo le botlhale o baganetsi botlhe ba lona ba se kitlang ba kgona go emelana najo, le fa e le go bo ganetsa.

Luka 21:36 Disang he, lo rapele ka nako nngwe le nngwe gore lo tle lo kgone go falola mo go tsotlhe tseo tse di tla dirafalang le go ema fa pele ga Morwa-Motho."

Johane 17:15 Ga ke kope gore o ba tlose mo lefatsheng, mme e le gore o ba femele mo go yo-o-bosula.

Ditiro 11:23 Ya re a fitlha teng, mme a bona bopelotlhomogi jwa Modimo, a itumela, a ba a ba kgothatsa botlhe gore ba ngaparele Morena ka boikaelelo jwa pelo;

Ditiro 13:48 Ya re baheitane ba utlwa, ba itumela, ba galaletsa Lefoko la Morena. Botlhe ba ba tlhaoletsweng botshelo jo bo sa khutleng ba dumela.

1 BaKorinthe 10:13 Lona ga lo ise lo tshwarwe ke thaelo epe e e ka palelang motho. Mme Modimo o boikanyo, o o se kitlang o lo lesa lwa raelwa mo go fetang thata ya lona, mme o tla lo direla phatlha mo thaelong gore lo kgone go e itshokela.

1 BaKorinthe 16:9 gonne ke buletswe mojako o mogolo teng wa tiro e e nang le lesego, e bile baganetsi ba le bantsi ba teng.

2 BaKorinthe 12:9 Mme Morena a nthaya a re: "Bopelotlhomogi jwa me bo go lekanye; gonne thata ya me e bonala ka botlalo mo bokoeng." Ke gona ka moo bogolo ke tla ipokang ka makoa a me gore thata ya ga Keresete e nne mo go nna.

BaEfeso 6:11 Aparang tsotlhe tsa tlihabano tsa Modimo gore lo tle lo kgone go emelana le mekgwa ya tsietso ya ga Diabolo.

BaHebere 1:7,14 Fa e le ka ga baengele, o buile wa re: "O dira baengele ba ona diphefo le badiredi ba ona dikgabo tsa molelo." 14 Bone botlhe a ga se mewa e e direlang, e e romelwang tirelong ka ntlha ya ba ba tla ruang pholoso boswa?

Jakobo 4:7 Ka moo, ikokobeletseng Modimo; ganetsang Diabolo, mme o tla lo tshaba.

1 Petoro 5:10 Mme Modimo wa bopelotlhomogi jotlhe o o lo bileditseng kgalalelong ya ona e e sa khutleng ka Keresete, e tla re lo sena go boga sebakanyana, o lo dire botlalo, o lo tiise, o lo thatafatse, o lo tlhomamise.